

թեան նախարար Ա. Չիլինգարեանը, Պորճրդարանի անդամներ, դատաստանական ու հասարակական գործիչներ և խուռն բաղմութիւն հետաքրքրողների: Դատական նիստի սկզբին ողջոյնի խօսք ասացին վարչապետը, արդարադատութեան նախարարը և դատարանի նախագահ Մակ. Մելիք-Միրզախանեանը: Ապա՝ բեմ բարձրացաւ դատական կազմը. նախագահ՝ Մ. Մելիք-Միրզախանեան, անդամներ՝ Ջ. Գեղամեան և Ա. Տէր-Յակովբեան. դատախազ Ա. Մալխասեան, դատախազի օգնական՝ Վ. Ահարոնեան, քարտուղարներ՝ Ն. Տէր-Յակովբեան և Ս. Շմաւոնեան: Երդեակ ատենակալներից ներկայ էին 19 հոգի և 1 տեղակալ — բոլորն էլ տղամարդիկ: Նիստի բացումից և ընթացիկ ձեռնարկութիւնների լրացնելուց յետոյ, ատենակալները յայտարարեցին, թէ իրենք հրաժարուում են կրօնական երդումից և ազնիւ խօսք են տալիս դատելու խղճի մտօք:

Կարճ ընդմիջումից յետոյ, վիճակահանութեամբ կատարեց 12 ատենակալների ընտրութիւնը: Հայաստանի անդրանիկ ատենակալների ատենանի անդամ լինելու պատւին արժանացան՝ Արշ. Տէր-Աբրահամեանը, Սարգ. Հախնազարեանը, Նշ. Ժամագործեանը, Վարդ. Մամաջանեանը, Գր. Տէր-Յակովբեանը, Սիր. Տէր-Մարտիրոսեանը, Գր. Վարդանեանը, Հմ. Սողոմոնեանը, Յովս. Աւետիսեանը, Չաւ. Կորկոտեանը, Միհր. Աթանէսեանը և Թադ. Դրամիսեանը. տեղապահներ՝ Մովս. Գիւլխանդանեանը և Երւ. Ֆրանգեանը: Ընտրածները մի քանի ըոպէով հեռացան և ընտրեցին իրենց համար աւագ՝ Սիր. Տէր-Մարտիրոսեանին: Ատենակալները հասարակական տարբեր խաւերի պատկանող մարդիկ էին:

Առաջին գործը Դարալագեազի Ունիանորաչէն դիւզացի Ենովք Յովհաննիսեանի և Չանախչի դիւզացի Մանուկ Մովսէսեանի դէմ յարուցող մեղադրանքն էր պարսկահպատակ Մամէդ Ասքեար Ալի օղլուին կողոպտելու փորձի դէմ: Ամբաստանեալներին պաշտպանում էր երդւ. հաւատարմատար Գ. Տէր-Գրիգորեանը: Հարցաքննութիւնից, վկաներին և կողմերի ճառերը լսելուց յետոյ, երդեակ ատենակալները առանձնացան և 10 ըոպէի խորհրդակցութիւնից յետոյ մեղադրեալներին յայտարարեցին անպարտ:

Երդեակ ատենակալների դատարանի առաջին նստաշրջանը տևեց մինչև մարտ 26-ը:

Պորճրդարանի մարտ 1-ի օրէնքով արդարադատութեան նախարարութեան դիւանին կից կազմեց 3 հոգինոց արեւմտահայ իրաւագիտական բաժին, որի նպատակն էր ա) մասնակցել օրինադրքերի քննութեան, մշակման և խմբագրման գործին, բ) ուսումնասիրել արեւմտահայ հատուածի մէջ գոյութիւն ունեցող ընտանեկան, ժառանգական և այլն սովորութիւններն ու իրաւական հասկացողութիւնները, նրանց հարազատ ոգին մեր նոր մշակող օրէնքների մէջ պահպանելու համար:

Հանրային կրթութեան ասպարէզում մշակեցին մի շարք օրէնքներ. մարտին Պորճրդարանը սկզբունքով հաստատեց դպրոցական յանձնախմբի հետեւեալ օրինադիժը եկեղեցական-ծխական դպրոցների աշխարհականացման ու պետականացման մասին.